

নতুন বছরে দেশি-বিদেশি ওয়েব ফ্লিম

২০২৫ সালে অসংখ্য সিনেমা, সিরিজ, কনটেন্ট মুক্তি পেয়েছে ওটিটি প্ল্যাটফর্মে। বছরের প্রথম মাসে ওটিটি প্ল্যাটফর্মে মুক্তি পাওয়া দেশ বিদেশের ওটিটির কাজগুলো নিয়ে জানাচ্ছেন গোলাম মোর্শেদ সীমান্ত।



অন্ধকারের গান - বিজ্ঞ

ত্রিলার নির্মাতা হিসেবেই পরিচিত ডিকি জাহেদ। দীর্ঘদিন বিভিন্ন অভিনেতার সঙ্গে কাজ করলেও 'অন্ধকারের গান' ওয়েব ফ্লিমের মাধ্যমে এবার প্রথম মোশাররফ করিমের সঙ্গে কাজ করেন। গত ৮ জানুয়ারি ওটিটি প্ল্যাটফর্ম বিজ্ঞে ওয়েব ফিল্মটি মুক্তি পায়। স্ত্রী-সন্তান ও অসুস্থ মা'কে রেখে শহরে কাজ করে মুকুল। প্রতি মাসে নিয়ম করে টাকা পাঠায়। শহরের এক মেয়ের প্রেমে পড়ে মুকুল, তাকে বিয়ে করার কথাও ভাবে। মায়ী আর জাদুর ঢাকা শহরে গ্রামের কত মেয়ের যে কপাল পুড়ছে, কত মেয়ের যে সংসার ভাঙছে। প্রভাবশালী ইদ্রিস আলীর সঙ্গে পরিচয়ের সুবাদে একসময় অন্ধকার জগতে জড়িয়ে যায় মুকুল। অন্যদিকে গ্রামে থাকা মুকুলের স্ত্রী রুমালিও জড়িয়ে পড়ে অনৈতিক কাজে। অনেক দিন গ্রামে যায় না মুকুল, প্রতি মাসে পাঠানো টাকার পরিমাণও কমিয়ে দেয়। চিন্তায় পড়ে তার স্ত্রী ও মা। মুকুলকে খুঁজতে বেরিয়ে পড়ে রুমালি। জীবনের নানা টানাপোড়েন ও পাপের পরিণতির গল্প নিয়ে তৈরি হয়েছে। বিভিন্ন গুরুত্বপূর্ণ চরিত্রে অভিনয় করেন আবুল হায়াত, মনিরা আক্তার মিঠু, রাশেদ মামুন অপু, শাহনাজ সুমিসহ আরও অনেকে।

দ্য চেয়ার - বঙ্গ বিডি

গত ২৫ জানুয়ারি ওটিটি প্ল্যাটফর্ম বঙ্গ-তে মুক্তি পায় মাজিদুর ইসলাম স্বাধীন পরিচালিত ওয়েবফ্লিম 'দ্য চেয়ার'। গত বছরের ৫ আগস্ট শেখ হাসিনার পতনের পর একপর্যায়ে গণভবনের চেয়ার, টেবিল, ফিজসহ অনেক কিছু নিয়ে যায় সাধারণ মানুষ। সেভাবেই গণভবনের একটি চেয়ার পৌঁছায় এক বাসায়। গণভবনের চেয়ার পেয়ে নিজেকে ক্ষমতাবান ভাবতে শুরু করে সেই বাসার কর্তা। তার পরিণতি কী হয় তাই দেখানো হয় ওয়েব ফ্লিমটিতে। গল্পের মাধ্যমে অসাধারণ মেসেজ পৌঁছে দিয়েছেন পরিচালক। বিভিন্ন চরিত্রে অভিনয় করেন শরাফ আহমেদ জীবন, দিলরুবা দোয়েল, পার্থ শেখসহ আরও অনেকে।



ফেট - চরকি

গত ৩০ জানুয়ারি ওটিটি প্ল্যাটফর্ম চরকি-তে মুক্তি পায় মেলোড্রামা সিরিজ 'ফেট'। সিরিজটিতে দক্ষিণাঞ্চলের মানুষের জীবনচিত্র তুলে ধরা হয়েছে। দেশভাগ ও মুক্তিযুদ্ধের সময় নানা ঘাত-প্রতিঘাত পেরিয়ে হিন্দু ধর্মাবলম্বীদের একটা অংশ আশ্রয় নেয় পশ্চিমবঙ্গের মরিচবাঁপিতে। একসময় শরণার্থীদের উচ্ছেদ করতে খাবার ও পানি বন্ধ করে দেওয়া হয়। ঘরে আশুত দেওয়া, নৌকা ডুবিয়ে দেওয়া, নির্বিচারে মানুষ হত্যার ঘটনাও ঘটে। বিষয়টি সংবাদমাধ্যমে প্রকাশ করতে চায় ফটেগ্রাফার সুনীল। তার পথে আসতে থাকে নানা বাধা, তবে সুনীল তার সিদ্ধান্তে অনড় থাকে। সুকর্ণ শাহেদ ধীমান পরিচালিত ৭ পর্বের এই সিরিজটিতে চঞ্চল চৌধুরী ছাড়াও বিভিন্ন চরিত্রে অভিনয় করেন তারিক আনাম খান, মোস্তাফিজ নূর তানভির অপূর্ব, হোসেন জীবন, তাহমিনা অথৈসহ আরও অনেকে।



স্টোরি টেলার - ডিজনি হটস্টার

ভারতীয় উপমহাদেশের সেরা পরিচালক হিসেবে তালিকায় প্রথম স্থানে থাকবেন সত্যজিৎ রায়। এবার তার লেখা 'গল্প বলিয়ে তারিণী খুড়ো' গল্প অবলম্বনে 'স্টোরি টেলার' নামের সিনেমা নির্মাণ করেন পরিচালক আনান্ত মাহাদেবান। গত ২৮ জানুয়ারি ওটিটি প্ল্যাটফর্ম ডিজনি হটস্টার এ সিনেমাটি মুক্তি পায়। মুম্বাইয়ের ফ্রি প্রেস জার্নাল কাগজের এডিটর তারিণী বন্দ্যোপাধ্যায়। একদিন এক চাকরির বিজ্ঞাপন নজর কাড়ে তার। আহমেদাবাদের বলবন্দ পারেখ নামের একজন কাপড়ের ব্যবসায়ী এমন একজন গল্প বলি়ের সন্ধান করছে, যে প্রতি রাতে তাকে একটি করে মৌলিক গল্প শোনাবে। তারিণী চাকরিটি নেন। ছেলেকে নিয়ে আহমেদাবাদে চলে আসেন। প্রতি রাতে একটি করে মৌলিক গল্প শোনান পারেখকে। সিনেমাটিতে বিভিন্ন গুরুত্বপূর্ণ চরিত্রে অভিনয় করেন পরেশ রাওয়াল, আদিল হুসেন, অনিন্দিতা বসু, রেবতী, তল্লিষ্ঠা চট্টোপাধ্যায়সহ আরও অনেকে।

মিসিং ইউ - নেটফ্লিক্স

রহস্য লেখক হারলান কোবোনের ভক্ত ছড়িয়ে আছে বিশ্বজুড়েই। তার লেখা গল্প এবং উপন্যাসগুলো পাঠক বেশ আগ্রহ নিয়ে পড়ে থাকেন। এবার তার উপন্যাস অবলম্বন করে ১ জানুয়ারি ওটিটি প্ল্যাটফর্ম নেটফ্লিক্স এ মুক্তি পায় মেলোড্রামা সিরিজ 'মিসিং ইউ'। সিরিজটির গল্প শুরু হয় গোয়েন্দা ক্যাট ডোনোভানকে নিয়ে। হঠাৎই তিনি এক ডেটিং অ্যাপে নিজের প্রেমিককে আবিষ্কার করেন, যিনি ১০ বছরের বেশি সময় ধরে লাপান্ত! কী ঘটনা, জানতে তদন্তে নামেন, এগিয়ে যায় গল্প। নিমার রশীদ ও ইশার সাহোতার পরিচালনায় পাঁচ পর্বের সিরিজটিতে বিভিন্ন চরিত্রে অভিনয় করেন রোজালিন্ড এলিয়াজার, ক্যাট ডোনোভান, জেসিকা প্লুমার, রিচার্ড আর্মিটেজ, অ্যাশলে ওয়াল্টার্স, ম্যাট উইলিসসহ আরও অনেকে। মুক্তির পর সমালোচকদের কাছে মিশ্র প্রতিক্রিয়া পেলেও ভক্ত-অনুরাগীদের কাছে বেশ জনপ্রিয়তা পায় সিরিজটি।



দ্য রিগ ২ - অ্যামাজন প্রাইম ভিডিও

গত ৬ জানুয়ারি ওটিটি প্ল্যাটফর্ম অ্যামাজন প্রাইম ভিডিও-তে মুক্তি পায় অতিপ্রাকৃত খিলার ঘরানার সিরিজ 'দ্য রিগ ২'। গত সিজনের ব্যাপক সফলতার পর পরিচালক সিরিজটির দ্বিতীয় কিস্তি নিয়ে আসেন। সিরিজটির গল্প শুরু হয় প্রথম সিজনের শেষ পর্ব থেকে। মুক্তির পর দর্শক-সমালোচকদের কাছে ব্যাপক সাড়া ফেলে সিরিজটি। পুরো সিরিজটি ধারণ করা হয় স্কটল্যান্ডে। জন স্ট্রিকল্যান্ড ও অ্যালেক্স হোমস পরিচালিত এ সিরিজটিতে বিভিন্ন চরিত্রে অভিনয় করেন লেইন গ্লেন, এমিলি হ্যাম্পশায়ার, ইয়ান গ্লেন, মার্টিন কম্পস্টন, আব্রাহাম পপুলাসহ আরও অনেকে।

দ্য গ্রেটস্ট রাইভালারি: ইন্ডিয়া ভার্সেস পাকিস্তান - নেটফ্লিক্স

দুটি জাতি। একটি মহাকাব্যিক প্রতিদ্বন্দ্বিতা। ১৬০ কোটির প্রার্থনা। ক্রিকেট বিশ্ব অপেক্ষা করে এই প্রতিদ্বন্দ্বিতার জন্য। এই নিয়ে ৭ ফেব্রুয়ারি ওটিটি প্ল্যাটফর্ম নেটফ্লিক্সে মুক্তি পাবে 'দ্য গ্রেটস্ট রাইভালারি: ইন্ডিয়া ভার্সেস পাকিস্তান' শিরোনামের তথ্যচিত্র। তথ্যচিত্রটিতে দেখা যাবে, রাজনৈতিক কারণে এখন দ্বিপক্ষীয় প্রতিযোগিতায় ভারত-পাকিস্তানের খেলা যায় না, ভরসা কেবল আইসিসির টুর্নামেন্ট। তবে এই দুই দল মাঠে নামলে সেই উভয়পন ছড়িয়ে পড়ে মাঠের বাইরেও। ক্রিকেট মাঠে ভারত ও পাকিস্তানের এই বহুলচর্চিত দ্বৈরথ নিয়েই নির্মিত হয় তথ্যচিত্র। এছাড়াও তথ্যচিত্রটিতে দেখা যায় সুনীল গাভাস্কার, সৌরভ গাঙ্গুলী, বীরেন্দ্র শেবাগ, রমিজ রাজা, ওয়াকার ইউনিস, শোয়েব আখতারদের মতো বিখ্যাত ক্রিকেটারদের।

